

O F F I C I U M

42 322

SANCTÆ MARIÆ  
DE CERVELLIONE,  
ALIAS DE SUBSIDIO,  
VIRGINIS,

ORDINIS, B. V. MARIÆ DE MERCEDE,  
REDEMPTIONIS CAPTIVORUM.

D U P L E X.

DIE XXV. SEPTEMBRIS.

In festo sanctæ Mariæ de Cervellione, aliàs de Subsidio, virginis, Ordinis beatæ Virginis Mariæ de Mercede, Redemptionis captivorum.  
Duplex.

Omnia de Communi Virginum, præter ea, quæ sequuntur. Oratio.

**D**Eus, qui nos conspicias in tot periculis constitutos pro nostra fragilitate non posse subsistere: concede propitius, ut intercedente beata Maria famula tua, de presentis vitæ fluctibus educati, ad æternæ salutis portum pervenire valeamus. Per Dominum nostrum.

Lectiones primi Nocturni, de Scriptura occurrente.

In secundo Nocturno.  
Lectio iv.



Aria nobili familia de Cervellione Barchinone in Hispania nata, & à parentibus in Dei timore primis ab annis enutrita, virginitatem suam, cum decem & octo esset annorum, illi devovit. Ejus vivendi ratio erat, in publicum rarius prodire, ægrotantibus domesticis sedulo adesse, & in nosocomiis ter in hebdomada pauperibus ministrare. Annum trigésimum agens, defuncto patre, habitum Ordinis sanctæ Mariæ de Mercede prima ex feminis suscipiens, Sanctimonialibus ejusdem Ordinis Ducem,

\*

Ma-

## Officium sanctæ Mariæ de Cervellione.

Magistram, & exemplar se præbuit, ac distributo patrimonio in redemptionem captivorum, professionem in eodem Ordine unâ cum voto de laborando pro redimendis captivis emisit.

*R.* Propter veritatem, & mansuetudinem, & justitiam, \* Et deducet te mirabiliter dextera tua. *V.* Specie tua, & pulchritudine tua intende, prospere procede, & regna. Et deducet.

### Lectio v.

**M**atre è vivis sublata, cum aliquot honestis feminis ejusdem Instituti piam sanctamque vitam perêgit: solita quotidie mulierum à suis Fratribus redemptarum, ac Barchinonem advenientium pedes in hospitali domo lavare: quinquies in hebdomada sacra Eucharistia refici, terque jejunare solo pane & aqua contenta: quotidianis flagellis insuper & ferrea catena corpus suum affligens. Silentium, quod mira observantia colèbat, inanibus verbis numquam infrêgit; ac parcius indulgens somno, expectabat ab ejusmodi necessitate liberari, ut illo solo frueretur incessanter, quo jucundantur coeli, & Angeli lætantur. Quod diurni temporis supererat ab oratione, & pietatis exercitiis, in paupe-

res juvandos impendebat; nullum officii genus prætermittens, quo afflictos consolaretur, oppressos liberaret, & victos educeret de carceribus.

*R.* Dilexisti justitiam, & odisti iniquitatem: \* Propterea unxit te Deus, Deus tuus oleo lætitiæ. *V.* Propter veritatem, & mansuetudinem, & justitiam. Propterea.

### Lectio vj.

**F**uturas maris tempestates prænuntiabat, illasque sæpè suis orationibus sedavit: visa aliquoties super undas incedere, quo Fratres captivorum redemptores, aliosque in mari periclitantes servaret incolumes, unde ei Mariæ de Subsidio, vulgò de Socos, nomen est inditum. Denique post multa virtutum insignia Barchinone migravit ad Dominum decimo tertio Kalendas Octobris, anno salutis millésimo ducentésimo nonagésimo. Ejus corpus, ex quo suavissimus odor manabat, sepultum est in Ecclesia Fratrum Ordinis sui, quod nonagésimo post anno, Episcopo Barchinonensi, Petro Aragóniæ Rege, ceterisque aulae & civitatis Primatibus adstantibus, solèmnis pompa elevatum, incorruptum repertum fuit, ac decentiori loco, ubi religiosè colitur, asservatur.

¶. Afferentur Regi virgines post eam, proximæ ejus, & exultatione. \* Afferentur tibi in lætitiâ & exultatione. †. Spécie tua, & pulchritudine tua intènde, prospère procède, & regna. Afferentur. Gloria. Afferentur. In tertio Nocturno, Homilia S. Gregorii Papæ in Evangelium. Simile erit regnum cœlòrum decem virginibus: de Communi Virginum. Missa. D ilexisti, de eodem Communi.

## HISPANIARUM.

**P**lis enixisque precibus nomine Serenissimi Regis Hispaniarum per Eminentissimum & Reverendissimum Dominum Cardinalem Aquaviva Sanctissimo Domino nostro porrectis, quibus pro extensione Missæ, & Officii sanctæ Mariæ de Cervellione, aliàs de Subsidio, virginis, Ordinis beata Mariæ de Mercede, Redemptionis captivorum cum suprascriptis Oratione, & Lectionibus propriis pro eodem Ordine sub die 2. Novembris 1729. approbatis, ad omnia Regna Hispaniarum supplicatum fuit. Sanctitas sua, audito prius R. P. D. Fidei Promotore, prædictum Officium cum Missa juxta petita pro die 25. Septembris sub ritu duplici minori in omnibus Regnis & Dominiis eidem Catholica Majestati subjectis, servatis tamen Rubricis Breviarii, & Missalis Romani, benignè indulgit, atque concessit. Hac die prima Decembris 1742.

F. J. A. Cardinalis Guadagni, Pro-Præfectus.

Loco ✠ Sigilli.

T. Patriarcha Hierosolymitanus, Secretarius.

